

CICHORACEÆ.

LAMPSANA PISIDICA Boiss. et Heldr.

L. annua vel *biennis* secùs partem inferiorem caulum et folia inferiora pilis longis crispis tenuibus subviscidis hispida supernè glaberrima, caule erecto supernè longè et dichotomè ramoso effusè paniculato-corymboso, foliis lyratis segmentis lateralibus utrinquè 2-3 basi attenuatis ovatis acutè repando-denticulatis terminali duplò majori e basi truncatâ vel subcordatâ triangulari-ovato acuto, rachide inter segmenta lobulis auctâ, foliis caulinis superioribus angustè linearibus acutis integerrimis summis setaceis brevibus, pedunculis tenuibus rigidulis capitulo obconico 3-8 plò longioribus, involuci breviter calyculati phyllis lätè virentibus glaberrimis elliptico-linearibus obtusis, flosculis radii luteis involucro duplò longioribus.

L. intermedia var. in pl. Heldr. Anat. 1846.

Hab. in saxosis inter frutices faucis *Tsimbouckkan* inter *Adalia* et *Sparta*. (Heldr.)

Hæc species quam primùm cum *L. intermedia* MB combinaveramus ab eâ notis sequentibus sat differre videtur. *L. intermedia* quæ cæterum perennis esse videtur habet infernè indumentum parcum brevissimumque, ramos caulinos ferè ad extremitatem usquè foliosos nec nudos, foliorum segmenta lateralia utrinquè solitaria nec bina vel terna triangulari vel ovato-acuminata, segmentum superius 2 poll. et amplius longum latumque nec ut in nostrâ specie pollicare

LAMPSANA CASSIA Boiss.

L. annua vel *biennis* infernè densè glanduloso-pilosa supernè glaberrima, caule crasso elato supernè divaricato-ramosissimo effusè paniculato-corymboso, foliis pinnatipartitis segmentis lateralibus utrinquè 3-4 ovatis repando-dentatis basi attenuatis terminali aliis rarò majori ovato-triangulari vel oblongo, foliis caulinis superioribus angustè linearibus integerrimis summis setaceis, pedunculis tenuibus capitulo obconico-ovato 2-4 plò longioribus, involuci breviter calyculati phyllis glaberrimis livescentibus elliptico-linearibus obtusis, flosculis radii luteis involucro sesquifloribus.